

中華民國五十六年五月壹一版

平樂縣志

全一册

定價：新台幣二〇〇元

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號

印刷者：正 大 印 製 廠

三重市長生街二號之一

版權所有

內政部登記證內版臺業字第一一四七號

中國方志叢書·第十八號

據清·光緒十年刊本
清·全文炳修伍嘉猶等纂
影印

廣西

平樂縣志



299997

成文出版社印行



10096563

光緒十年甲申夏閏五月

平
了
樂
不
照
原
出
也

本署鈐板

docsriver 文川网
入驻商家 古籍书城

在文川网搜索古籍书城 获取更多电子书

重修平樂縣志序

夫邑之有乘所以紀山川之險易風俗之純澆戶口之盈耗制度之沿革使官斯土者一展卷而即知為治之要也溯厥前明如朝邑武功兩志體例謹嚴詞旨簡雅遷固之後不媿史

平樂縣志序

才嗣後如陸清獻之靈壽縣志王蘭甫之青浦縣志考據精核蔚然成一家言後之作者無不取法焉平邑在明有鄭圭紀畧一書雖非邑乘之名而載平樂事蹟極詳且贍足備一方之掌故惜未窺全豹僅時散見於他

說蓋亦有志之士錄存此書俾後日修志者得據為粉本不致同杞宋之無徵也沿及我

朝陳君光龍翺修於康熙八年黃君大成重修於康熙二十六年於是平樂始有縣志余自受事以來訪求是書

平樂縣志序

二

遺老故家鮮有存者歲月絲邈幾有獻替文亡之懼壬午春適得一帙於歐茂材家乃陳君光龍所輯篇帙幸全而字跡漫漶剝蝕不可卒讀繼又得黃志數卷則殘缺不完然吉光片羽極可寶貴從政之暇因出此書以

示諸邑紳皆欣然幸一綫之僅存殷
殷以續貂為請余久有斯志顧以前
無考証不敢率爾操觚今獲斯編於
風霜兵燹之餘未始非神物護持俾
後人補闕拾遺得以縣斯文於勿墜
斯固官斯土者之幸而亦彼都人士

之幸也條其議於大府報曰可爰設
局開辦遴選公正紳耆分赴各鄉採
訪事蹟以廣舊志所未備且幸郡志
修於嘉慶十年距今稍近其中多有
可採於是新舊參訂繕貫而櫛比之
分類十各綴以子目凡兩易稿而書

始成惟秩官一門自嘉慶十年以後
間有缺畧因卷檔燬失無從稽考闕
而弗書亦猶夏五郭公之意云耳是
役也剗剗之費不敢絲毫累民首捐
廉俸二百金以經其始好義之士則
有邑紳余司馬鑑海慨捐二百金陳

司馬玉祥慨捐百金劉廩生肇寬慨
捐百金不足割義倉經費四百以益
之功竣謹弁數語於簡端以志其大
凡如此至襄斯役者某採訪某纂輯
皆與有勞焉例得別書於後是為序
光緒十年歲次甲申閏五月上浣

補用同知直隸州知平樂縣事
金谿全文炳謹撰



平樂縣圖


平樂縣志圖



平樂縣志圖



平樂縣志圖



平樂縣志總目

卷之一

輿地志 子目七

卷之二

營建志 子目十一

卷之三

賦役志 子目七

卷之四

秩官志 子目七

卷之五

學校志 子目七

武備志 子目七

卷之六

選舉志 子目七

卷之七

人物志 子目八

卷之八

祥異志 子目二

卷之九

卷之十 上

卷之十 下

文藝志 子目十二

平樂縣志卷一

二

平樂縣志重修官紳姓名

纂修

補用同知直隸州平樂府平樂縣知縣全文炳

協修

甲子科舉人平樂縣教諭黃秉震

編輯

試用訓導伍嘉猷

試用訓導陶協中

原任永福縣教諭田裕邦

丁卯科舉人全州學正黃中璧

平樂縣志卷一

候選訓導黎爾恭

候選訓導劉子明

廩貢生羅正宗

採訪

試用訓導陸方琳

廩生關汝鑫

廩生許世康

廩生劉登元

廩生黃念模

貢生呂景穆

生

員田振邦
員胡祖瑗

平樂縣志卷一

二

平樂縣志卷之一

輿地志子目

沿革

疆界

廂里

山川

風俗

土產

古蹟

平樂縣志卷一

一

平樂縣志卷之一

金谿全文炳纂

輿地志

平樂縣之置始於吳甘露元年縣治在荔浦江口唐武德八年始徙今治於後廢置不一

國朝沿元明之舊附郭隸府襟昭山而帶府江表延數百里為兩廣子午之衝稱赤紫焉首志沿革稽變遷也次志疆界辨華離也次志廂里稽戶口也次志山川紀形勢也以至省風俗辨物產攷古蹟亦皆吏治之要故連類書之輿地志一

平樂縣志卷一

二

沿革

平樂周爲百粵地秦置桂林郡時平樂以臨賀屬焉漢置蒼梧郡析臨賀地置富川荔浦爲縣三皆屬蒼梧隸交州刺史三國吳時分零陵郡地置始安郡今桂林府甘露元年始分富川置平樂縣與臨賀富川荔浦爲四皆屬始安郡唐武德四年析平之走馬坪置沙亭縣於仍屬始安郡唐武德四年析平之走馬坪置沙亭縣於平樂縣置樂州以平樂恭城永豐沙亭四縣隸焉治在荔浦江口武德八年徙今治貞觀七年省沙亭縣八年改樂州爲昭州隸嶺南道天寶元年陞平樂郡領縣三

平樂縣志

卷一 沿革

一

曰平樂永平恭城乾元元年復爲昭州領縣如故五代時爲楚馬氏所據後入南漢宋初沿唐制隸廣南西路開寶五年廢永平入平樂大中祥符元年移治城東元大德五年陞州爲平樂府平樂縣遂爲附郭首邑明洪武十八年廢龍平入平樂萬曆四年又以龍平廢地置昭平縣割平樂二里以益之平樂僅存上下二廂東鄉樂山津平三里嗣因復建縣學仍於昭平撥回安樂一里纔十一戶以充廩糧貢額而已我朝順治八年始入版圖制悉如明

沿革表

秦

漢

三國

晉

六朝

屬桂林郡所治臨賀地

屬蒼梧郡所治荔浦富川二縣地

屬甘露元年分富川置平樂縣屬始安郡至隋不改

屬始安郡

宋屬始建國香以後復屬始安郡

平樂縣志

卷一

沿革

二

唐

五代

宋

元

明

唐武德四年昭州治爲楚馬氏所據後入南漢宋初沿唐制隸廣南西路開寶五年廢永平入平樂大中祥符元年移治城東元大德五年陞州爲平樂府平樂縣遂爲附郭首邑明洪武十八年廢龍平入平樂萬曆四年又以龍平廢地置昭平縣割平樂二里以益之平樂僅存上下二廂東鄉樂山津平三里嗣因復建縣學仍於昭平撥回安樂一里纔十一戶以充廩糧貢額而已我朝順治八年始入版圖制悉如明

疆界

東至滑山舖接昭平縣界八十里治又一百七十里至縣
 西至劉公灘接桂林陽朔縣界三十里縣治又三十五里至
 南至黃牛塘接昭平縣界一百十里治又一百里至縣治
 北至白面村接桂林陽朔縣界六十里治又四十里至縣
 東南至龍門峽接昭平縣界一百十里縣治又六十五里至
 西北至麻猺嶺接桂林陽朔縣界六十里縣治又七十里至
 西南至龍窩塘接荔浦縣界十五里治又六十五里至縣
 東北至西水村接恭城縣界六十五里治又三十里至縣
 東西距七十五里南北距一百里距省治一百八十里

平樂縣志卷一

疆界

三

京師五千六百里

距

廂里

上關 中關 下關

上廂里

虎豹村 蔣家村 莫官汀 上蘇家 葉山脚

密山渡 下蘇家 矮山寨 牛角源 黃牛頭

馬家村 嶺背洞 季魚塘 山馬塘 老屯村

猺婁屯 上木巖 下木巖 上浪洲 馬蝗塘

東庄村 黃坭田 大洲村 老鼠峽 風水源

馬家庄 上盆村 蕉洞村 桃竹橋 筆山村

石脚村 高埠村 雙水洞 浦口村 野鴨石

平樂縣志卷一

廂里

四

排樓村 觀音山 浦地村

津平里 楊梅塘 曾家家 圍子村 蕭家村

南源洞 老坡村 橫山脚 建興村 小源猺

壩頭村 三十工 上爐村 布塘村 葛家村

馬家榨 鯉魚洲 崑背村 大源猺 白花巢

大橋頭 牛洞山 龍家村 劉家村 韭菜山

麒麟窩 饅頭塘 陳家榨 大井巖 巖口村

新榨村 大甫嶺 合公山 大面山 毛骨塘

魚塘村 古木村 胡盧脛 蘆荻橋 高堆村

高源

平樂縣志

卷一

一兩里

五

廟背村 廻龍村 高寨村 牛崮村 洲塘村

高坡村 洞尾村 龍尾村 白馬村 羅灣村

駱家寨 下里洞 渡雷村 大沓村 金奎寨

官山村 旺塘村 駱家塘 調源村 魯塘村

梅楊冲 水南村 壩角村 渡合村 樓子底

源頭井 古盤村 隔水塘 楊家洲 壩頭村

鴨公井 大成村 插劍山 蝦子嶺 乾嶺村

長塘村 龍頭村 馬欄田 高洲村 牛路冲

亭爐村 大稅田 半邊渡 水馬村 古城村

魚梁尾 金鷄坪 新墟 石皮村 金架車

大堂村 滿堂村 桃子村 南源洞 月角村

校椅村 白竹口 黃鱗洲 陸家冲

沙子埠上街 沙子埠下街

下厝里

藍川村 滙潭灣 校椅村 小蒼板 野鴨石

龍頭磯 大蒼板 茶辣村 牛犁坪 印山村

大扒村 小扒村 南岸洲 大較村 月子巖

粉巖村 胡塘村 橫汀村 大浪村 排山村

蕉林村 蜆堆村 桃林村 架規村 石洞村

牌樓村 源頭村 六工洞 沙亭村 王家坪

平樂縣志

卷一

一兩里

六

長灘街 牛練巖 碼頭村 牛牯嶺 甘村

杉木冲 花根村 龍田村 下祥村 蟻眉村

金沙村 石排村 桃花村 鳳凰坪 楓木橋

老大浪 銅鼓村 秀峯村 金峽村 雙橋村

小結村 糯漁村 馬王村 廟坪村 蕉冲村

龍塘村 上堡村 龍門江 下堡村 江口村

關門洞 三陽寨 新村 烏仔冲 蓮塘村

鳳凰村 老馬村 茨竹屯 社公頭 自道村

龍頭村 山脚源 四洲山 上孟村 大冲村

磨石冲 正山村 賓村 寨賓村 興隆村

岩仔村 大灣村 岩頭村 南木冲 謝家村

寡婆村 老屋嶺 平石村 水淹塘 北流村

猪肚洲 湖塘村 蘇樹坪 石排村 大規槽

暗山嶺 古齊村 灘頭村 大王家 小王家

同亮村 廻龍村 雷家村 駱口村 大結村

油蔴村 張家村 廣運堡 田冲 大貝村

小黃牛 社坪村 危背村 老丹竹 太平村

塘冲村 大宅村 同鏡村 新丹竹 徐南村

東瓦村 金石坪 龍錦堡 蘇家村 龍盤村

東鄉里

平樂縣志

卷一

廂里

七

齋漣巖	馬蹄井	水源寨	牛巖村	團山村
金奎村	上河村	牌山村	榕家村	壩井村
那塘村	仙童村	楓山村	狗兒山	馬鞍山
木山村	馬派村	里結村	馬步橋	大源村
周塘村	洞心村	平地井	新寨村	高橋村
陶家村	興隆村	八仙山	桃竹山	牛岩村
岐村	青草塘	榕津街	湖洋街	馬山村
平山渡	四山寨	太平村	牛皮村	馬家村
井頭山	紅花嶺	松山脚	新車坪	禮渡村
牛皮潭	水山村	齋公巖	山背村	永興村
石仁巖	苦竹坪	竹沖口	山脚根	石狗頭
鴨漣井	巖平村	啟立村	里新寨	亭爐村
牛路沖	矮山村	石皮村	大疔村	甌山村
大小源	橋頭村	馬鞍山	下劍村	白崖村
江邊村	老榕津	上呂村	下隆村	並田村
涼傘脚	黃土田	駱家村	橋料村	老鴉翅
河埠頭	石子埠	膳塘村	油瓶寨	張家村
老埠頭	唐石村	沙沖村	陶嶺村	並田沖
馬鞍洞	並田山	軍余村	石龍村	車尾塘
葉塘山	金井山	夏城村	六十二	新開村

平樂縣志

卷一

廂里

八

鮮塘村	砧板寨	豬漣寨	貓兒村	廟口村
豪山村	大沖村	榕塘村	岩口村	大寨村
莫家洞	磁底村	仁塘村	大里村	陶村
楊梅沖	洞頭村	滑山塘	李家庄	深井村
朱田村	森洞村	岩頭村	牛腸岩	塘拱村
灣弓村	新塘村	新城村	荆竹源	鱉頭墟
筆頭村	文村	竹城村	滑山村	陽安寨
謝家村	關門洞	胡洋村	城仔嶺	小巖村
金山村	牛眠村	沙沖村	紅岩村	十八沖
大胆沖	石灰沖	新村	老鼠峽	黃坭田
早沖	風水源	馬鹿沖	蓮塘村	燕塘村
仙童村	良山脚	蔴地巖	水井頭	大岩底
分水界	跳蚤洞	黃腊巖	九龍井	銅鑲車
龍頭山	石板橋	大井頭	羊欄橋	龍家埠
七星堆	李茶沖	和風洞	並塘車	下和塘
社公塘	大豐洞	四山寨	鴉塘坪	三壩口
大良山	西水車	塘尾村	白山脚	韭菜巖
荷包洲	仁恩山	油茶沖	白源沖	里結沖
大源村	藤帽巖	丹坪村	拱橋頭	里新寨
彭家村	祝家村	洋潭村	金壽坪	上帝岩

平樂縣志 卷一 廂里

佛嶺村	鳳田村	牛步村	吊井村	釣魚山
新龍村	大塘堡	馬山村	大車口	塘腦榨
牛母村	鑿山村	鳳凰村	馬路村	橋頭村
社公歧	龍塘村	長樂村	橫木嶺	中山寨
仙宮嶺	芋田村	鍋蓋嶺	三垚村	老寨村
樂山里				
雷公寨	九儀山	和村	燕水村	駱家背
下加東	大井頭	龍漢塘	古墩村	了髻村
西洞村	下鄧坡	鴉塘村	上加東	秧地村
大寨村	蓮塘村	布尾村	桂口村	福山寨
平西村	岩頭村	高田村	羊岩村	塘邊村
石狗冲	馬鞍山	得定冲	貴冲村	犬背冲
竹篙峽	未老冲	鹽冲村	大冲村	金盞村
仙娘廟	元壇村	楓魚洞	古林冲	車洞村
大嶺村	燈籠村	莫村	元帝山	塘背村
螺山村	湓洞村	門樓村	三墩村	山口村
勒壩村	楊梅冲	藤牌山	老寨村	香爐村
龍塘村	珠山村	瘦山脚	新塘村	馬田寨
水埠頭	賓家村	下盃村	社公頭	富龍村
靈田村	必禪村	山脚源	陶家背	白竹岩

平樂縣志 卷一 廂里

郡塘村	籠頭村	白源村	西結村	雙鶴村
石面山	周家源	蓮塘村	馬山村	幹山村
下壩村	上榮家	下榮家	黃家寨	平口村
木林村	石灣村	金花寨	南蛇村	福全寨
石仁洞	南錦村	平山寨	黨頭岩	朝陽寨
福山寨	洞寨村	滕龐村	興回村	鳳凰堡
紅珠地	石板塘	下門村	金馬山	竹山根
豆地嶺	明月到	上盃村	吳山頭	渡山脚
朝水島	鷄公岩	永埠村	龜嶺村	周家山
鳳塘村	永福村	蕉冲村	灣石村	龍背山
新開嶺	湧水塘	興隆村	龍節村	新塘村
木山頭	屯塘口	瑞山村	屯塘村	洞頭村
牛渡山	深井村	桂山村	背髻山	荆冲村
羅網村	西龍村			
安樂里				
新寨村	高桂村	六勒村	塘尾村	公渡村
東嶺村	矮山村	寺岩村	黃家村	梁家寨
雙龍村	路底村	沙洲村	興隆村	橫山村
古院塘	樂新村	竹園寨	興回村	福村
馬鹿冲	大桂村	莫家街	海寧村	廟祿村

docsriver 文川网
入驻商家 古籍书城

在文川网搜索古籍书城 获取更多电子书

糯漁村	石田冲	西水堡	蓮塘堡	五 哨	水滄營	龍脛堡	大宅堡	大宅堡	東瓦村	枝六堡	社背堡	社背村	田冲村	紅花村	冷水猺	塘冲猺	龍頭磯	盤龍村	欖冲村
金峽村	東岸堡	魚苟堡	義水堡	葛家堡		銅鏡堡	面冲猺	龍田猺	龍田猺	丹竹村	古背猺	丹竹村	銅亮冲	大冲村		駱口堡	蕎塘村	牛洞村	公思山
車田村	莫家冲	九洞堡	大柚堡	高寨堡		木杜堡							黃牛冲	太平堡		下洞村	魁山村	小水村	小冲村
石人洞	脍肚冲	金井堡	南村堡	義洞堡									石貢冲	巴江冲			龍坪嶺村		
嶺田村	小結村	橫溪堡	仙家堡	盧家堡															

平樂縣志 卷一 廂里

十一

百二十五猺村	里樂山	按舊志載	端倪畫地	竄匿無踪	其地猺則	竹畧蔽風	始得一村	猶在子男	陳光龍曰	三衙村	盧家寨	馬槽村	嶺坪頭	六規村	高龍村	塘堡村	黃洞	二 哨	樂塘村
一百零四統按之村	里樂山	東鄉里	陳平梗概	雖屢屢	則礎巖	雨而無	村復蕭	男而上	龍曰百	岸山村	濇口村	脍肚村	新 村	箭猪岩	塘背村	文 冲	三 哨	興隆村	
	里樂山	北曰津	平里東	祇可錄	為藩深	閩之可	然無多	窮崖	里古	高寨村	藍洞村	藍洞村	橫溪村	墩頭村	東水村	油蘇冲	四 哨	粟洞堡	
	里樂山	平里東	南曰下	其險要	簞為幕	觀猺尤	戶民與	崖選	里古	大段村	白滅村	卜船村	樂平村	樂平村	仙家村	木桂村	蓮塘村	峽口村	
	里樂山	平里東	里曰下	者耳聚	漢人恆	善遷數	與猺	谷不	里古	觀音山	東管村	東岸村	東岸村	當頭岩	當頭岩	甘棠村	朱母堡	一 哨	
	里樂山	平里東	里曰下	米擬其	不敢人	年旣	相雜	可以	里古										

平樂縣志 卷一 廂里

十一

凡三百爾時承明季兵燹之後戶口尙屬寥寥幸自康熙迄今二百餘年迭蒙

聖朝休養生息之恩生齒日繁其民村之星羅棋布於六里間固周且密即諸夷種類亦多漸染華風大變其鳩舌鴉音之陋將舊所謂獠村獠村者今無幾焉其流寓之氓一屢願託子孫繁衍遂成土著合計此時村落凡七百有奇較前數加倍而又贏焉我

朝自康熙以後滋生丁口永不加賦既免丁徭之累又無編審之煩食德服疇民物蕃庶其所由來者

平樂縣志

卷一

廂里

志

久矣

山川

平樂居蒼梧始安之間按清湘九疑之境平溪樂川皆匯城下山自桂嶺而下至此稍斂其崩崩水至昭平而上未至於奔湃意平樂所由名歟陳志

昭山素號天險府江尤為峻絕兩崖巖壑人跡罕通嶽奇蒼蔚不可名狀而鼓鑼松林二峽險峻尤甚萬曆十三年大征後副使韓紹以開路請於督府吳善撫院吳文華可其請命知縣黎來王經紀之量工給餉剪荆伐翳百年蒙叢魁魁之區倏爾四達自龍頭磯迄勒竹凡三百里有奇悉易崎嶇為康莊布政使管大勳有記本

平樂縣志

卷一

山川

志

府推官劉鎮有記萬曆十九年知府黃文炳更加修砌聿增砥矢副使馮時可有記二十七年知府陳啟孫允知縣文成章之請再修猫兒大結松木大灣諸堡而陸路以通至於灘水東注恭荔滙齊自東江抵龍門馳驟跳沫若箭激雷鳴舟下則捷若隕虛瀉流而上則躡波挽棹倚篙扳纜號呼叫嘯作猿猴狀猶莫能越舟人稍不戒衝突巉巖靡不碎壞萬曆三十六年撫院蔡應科與兵備翁汝進知府陳啟孫計開鑿召土舍黃仲拙製造千金撞蜈蚣鏟五爪龍三角船等具先關雷霹藤灣龍門龍口檢審馬灘上仰下仰福登穴口次關永灘浪

灘長灘廖涯小背金鷄牙鼈洲六木開灘共二十難自是舳舻絡繹上下無大虞者三公之力也志陳

昭山城西離樂二水合流之處有石山突起中流名曰

昭山唐州之名昭以此其方正如印又名印山上有點

翠亭水面有釣鰲磯石碣西山即昭山距城西百步名勝

志有巨石徑百尺屹然水中如神龍戲珠狀方輿勝覽入景

之一曰昭山點翠府志

鳳凰山在城東北隅鼓翼引吭勢如飛鳳明副使張祐

於正德初年植高松千樹干霄拂雲今僅寥寥五株矣

舊志鳳凰山城跨其上方輿勝覽上有梅公亭遺址宋景祐中

平樂縣志卷一 山川 五

龍圖梅公摯守郡時建名勝志八景之四曰鳳岫晴寒府志今梅公亭志

按松五株今僅存一株矣挺秀城東

東山在城東二里舊有鎮粵臺久廢上建壽佛庵

西山在城西岸舊有天繪亭久廢陳志

南山在城南四里昭潭南岸雙峯挺出峯下有巖舊有

資聖寺俗呼屏風山舊志昭潭南岸有南山山半有雙峯

方輿紀要

北山在城北六里有白衣寺久廢

挂榜山有二一在城西十五里提壺洲上一在昭潭南

岸識云榜山見崩兄弟同登舊志在五馬山南四里方輿紀要

龍嶽峯在城東北二里為邑治之祖山舊志宋鄒浩得志

軒記云前有峯數十仍曰龍嶽即此一名龍躍考槃之

水出焉跨澗有橋曰覽勝名勝志

獨秀山在城南五里南山前高數十丈峻峭特起

華蓋山在城西南十里荔浦江岸其高萬仞舊志華蓋山

府西十里一名火焰山以山峯尖聳而名方輿紀要夕陽返

照有似火焰明初解縉詩云火焰山危下夕陽即此名勝志

荔浦江岸峯巒閃爍秀色飛空遠映城市碧雲恒覆山

平樂縣志卷一 山川 六

頂或橫山如帶朝暮卷舒變化萬狀山濛則兩山開則

霽占驗如操左券省志

展誥山在華蓋山西

眉山在東南九里聳秀如黛陳志

縈山在城東南七里高二百餘丈縈迴曲折上有九峯

曰高崖曰羊欄曰月巖曰堯蓋曰馬鞍曰跨蹬曰石劍

曰了髻爭妍競秀寰宇記山中多木客行坐衣服不異

於人時出市貿易陳志

五馬山府江南岸突起五峯中一峯高聳端圓與郡城

相對因名

仙宮嶺在城北一里高百尺許舊志在龜頭巖二里宋鄒

道鄉謫官僦居於此方輿勝覽通志作城西二里四望形如

金字一名金字嶺非也府志

金字嶺在城西對江五里四望皆如金字故名府志

桂嶺在城東五里桂嶺樵歸為八景之一府志

越王山在城外朱鄒忠公清華閣記

洛山在城東北五里越王拂於龍嶽

白山在城北二里

黑山在城東南五里儼如玉筍瑤簪矗於雲漢土人以

此地石黑多陰故名縣令黃大成為易其名曰岩粵山

平樂縣志

卷一

山川

七

府志

白雲山在城東八里

雙峯山在城南三里府志

青獅山在城北教場有感應泉在其下舊有直節清踪

亭今廢俗呼為戲毬堆者在山之麓康熙二十二年文

副總以此堆碍馬收韉剷平之府志

塘頭山在城東南府志

馬鹿巷嶺在城東南八里大教場東府志

佛子嶺在城西北十里府志

鷄冠嶺在鳳凰山傍府志

昭潭岡在城北方輿勝覽府東二里有昭潭岡一名昭潭洞

杜祐曰長沙郡有潭州以昭潭為名此曰昭州以岡為

名也方輿勝覽舊志在昭潭北今未詳所在府志

黃牛岡在城西五里金字嶺側後有大石狀如牛

騎牛坪在長塘東里許平原空濶廣袤十餘里草豐水

清諸村之牛皆牧於此府志

密山在城北十里數峯廻環合擁縣治陳志

蒙山在城南十里府志

團山在城東十五有堡今廢府志

烈陽山在城北二十里府志

平樂縣志

卷一

山川

八

府志

笏山在城西三十里左江道宋翔書萬笏朝天四字於

華山在城東府志

龍躍峯在城東三十五里府志

石棋山在城東三十里

銅鼓山在城西四十里府志

雲山在城東南四十里四垂如雲

崑崙山在城東南九里府志

負羣山在城東五十里形如負羣俗呼押春羅謂押諸

峯而羅春色也樵人每當吻渴於無意中嘗遇石泉流

於曲沼金鱗鼓浪綠荇浮波修竹菖蒲叢生佳卉香氣

襲人府志

藤峭山在城東七十四里山高數千仞雲氣常封其巔

一日有樵者陟峯頂下瞰山肩有平石如掌寬畝許緣

蹊而下至其處有石牀石竈石盆儼然天設崖前又有

石爐不知何代之物紫荊黃竹參差繞列蒼松數尺不

土而翠里人禱雨輒應府志

吹火嶺在城東平嶺盤旋起伏夏日酷暑風吹草氣灼

人長途煩渴無樹可息故呼吹火嶺府志

韭菜山在津平里府志

平樂縣志 卷一 山川

鷄山在津平里府志

葉山在上廂里府志

虎埠山在津平里樂川上

擺山在下廂里府志

犁頭山在密山村後咸豐七年鄉人避賊於此

巖頭山在城西堡地村左

筆山在筆山村側屹然聳秀高數十仞狀如筆尖山後

立有寨距城北二十三里

觀音山在觀音山村山中有二小石狀如觀音送子故

名距城北二十五里

常家嶺在水岩村古名甫步嶺

饅頭山兩峯排列狀如饅頭距城北三十里

犀牛山即半邊渡村濟渡處山下有牛鼻狀

大涼山山頂有仙巖石塌石礎俱備逢早禱雨必靈

晒袍山距城北六十里

冬葉嶺距城北六五里有一亭與恭城為界

二童講書山距城北六十五里

狗兒山黃獺嶺二者其形宛然相肖距城北四十八里

印山在廟背村

牛洞山在大井塘三里許距城北七十五里

平樂縣志 卷一 山川

水山在東鄉里府志

滑山在東鄉里府志

上鷄嶺在東鄉里府志

琉璃山在東鄉里色如琉璃府志

巖頭嶺在東鄉里府志

飯山在東鄉里其形如飯平原十里突出一峯頂平如

掌路似羊腸鳥道僅容一人側行居人遇亂往往結廬

山半以避平時載酒登眺萬山環翠亦奇勝也府志

馬山有二一在東鄉里一在安樂里府志

紅花嶺在東鄉里府志

楓山在東鄉里府志

校椅山在東鄉里府志

木山在東鄉里府志

四山在東鄉里府志

天門嶺在城東南五十里賀縣界上有石如門故曰天門府志

井頭山在東鄉里府志

馬鞍山有二一在城東三十里東鄉里一在樂山里府志

矮山有二一在東鄉里一在安樂里府志

平山有二一在東鄉里一在樂山里府志

平樂縣志 卷一 山川

松山在東鄉里府志

金山在東鄉里府志

桃竹山在東鄉里府志

魯溪山在城東百里東鄉里筆頭堡東南數里環跨平

茶富賀永五州縣山上有塘方廣數畝俗呼為分水塘

塘出平樂東鄉曰魯溪江出龍平曰澗源江出茶城曰

上平江出富川曰白稿江陳志

疊秀山在東鄉里筆頭堡南三里高數丈舊名八公山

陳志

牛嶺在城東百里東鄉筆頭堡西北高數十丈其形如

犀府志

聖山在樂山里以譚氏二女尸解於此而名巍峩插天

絕頂高平俗呼仙殿石前有梳粧臺左右列翠竹二枝

清風徐來爽氣瀟然名勝志

誕山一名聖山在城東南八十里樂山里巍峩插天亦

有三峯五代時有譚氏二女產此山下及長修黃老之

術不知所之一日里人以不雨為憂二女至謂之曰汝

能餉我即可得雨翁第餉之未信也二女甫去果大雨

如注翁知其神追覓不見山下呼之則上應山上呼之

則下應循至一巨石四圍無草木二女衣帶在焉翁異

平樂縣志 卷一 山川

之白其事於眾是後恒見二女於石上櫛髮因建廟山

下祀焉名勝志八景之六曰仙巖靈雨府志

按舊志誕山一名聖山與省志異疑即相連之山內

各一峯從省志改定府志

鑿山在樂山里府志

大巖山在樂山里

白棍山在樂山里

狗兒山在樂山里

珠山在樂山里

元帝山在樂山里

福山在樂山里

塘邊山在樂山里

羅山在樂山里

銅牌山在樂山里

石面山在城東七十里樂山里府志

大嶺有二一在樂山里一在津平里府志

馬嶺在樂山里府志

鬼兒嶺在樂山里府志

獅子嶺在城西北通恭城縣逕極險峻府志

四十里山在府東北龍平巡司南十里周圍四十里因

平樂縣志

卷一

山川

三

名爲富賀往來要道設三堡以爲戍守方輿紀要

旗山在東四十里

按旗山在樂山里岐山村離城一百四十里高百

餘步茂林修竹可避炎暑有石槽三四尺冬不涸

有石級傳爲仙人梯山下有泉左清右温俗呼養

孝泉又名玉帶水

羊角山在樂山里離城一百四十里形如羊角山高二

百餘步上有奇石高三尺寬二尺其白如玉山麓流泉

漑漑若琴筑之聲

盤龍嶺在城南其形如龍盤之狀旁有龍井其泉清冽

磨盤嶺在城南獨秀山下其形如磨盤

天鵝嶺在城南八里光緒二年建立寶塔收府城水口

僅修二層以費絀而中止塔門題擎天一柱四字

印山在城南二十里形如印上有寨可容百餘家

蓮花山在城南三十里其山綿亘十餘里高可摩天上

有二仙殿鄉人求雨輒應山出石芽茶可消暑解渴味

甚佳

尼姑山在城南其形如尼姑

營墩嶺在王家坪下半里昔曾紮營舊有楊文廣營基

盤古嶺在城東南四十六里上有盤古殿東南鄉人禱

平樂縣志

卷一

山川

五

雨輒應

沙梨山在下堡村相傳此山有霧必雨

象鼻嶺在下堡村前其形如象

龍門山在龍門江上

矮寨山在元帝山後下有仙井相傳古有大羅仙汲水

於此求雨輒應

筆架山在樂山里距城東南八十餘里

福山在福山寨後下有古關帝廟

五指山在樂山里平西村後形如五指

入仙山在賓家村前山形聳翠勢若懸鐘石齒如人故

名對面有榜山俗呼八仙看榜

榜山在樂山里賓家村前有一溪坦然一洞內建北岳

祠崇奉顯惠侯霍公並賓公

平石山在元壇村右上有紫雲古菴今廢

東宮山在橋亭墟右上有高竹菴今廢

楊梅山在城南四十里古齋村左

石人嶺在城南六十里龍河村左上有石仙二高約二

丈餘

和尚菴山在城南五十里王家村後上有堆九十九舊

有古菴今廢

平樂縣志

卷一

山川

五

金峽嶺在金沙村後

公婁山在安樂里府志

公思山在安樂里府志

螺秀山在九洞村前

浮印山在樂山里離城一百三十五里對照旗山近視

之則古石遠望之若蛾眉

龜巖府志作竈巖在城北五里

白雲巖在城東七八里叢林蒼蔚中洞門翼然古藤盤

繞雖盛暑若居冰屋有石類蓮花者類彌勒者類鐘磬

者叩之鏗然類犀角者類白衣蒼狗者燃炬蹲伏而入

莫窮其勝洞外百餘武澗水潺湲兩岸陡開人蹟罕至

明崇禎時唐世堯始披榛覓逕因石成梁名步雲橋洞

中設大士像鑄白玉洞天額招老僧守之今荒廢已久

陳志

滴珠巖舊名滴水巖在城東山麓大道之旁開闢險灘

記勒於巖側有亭後人東巖懸溜詩即此舊志在東山麓

高不過丈餘石黑如鐵玲瓏秀麗滴溜丁丁有古榕盤

結於頂省志

珠巖在城東省志十五里有洞玲瓏知府羅黃裳更

名迎仙洞舊志相傳有異人棲於此丹竈尙存府志

平樂縣志

卷一

山川

五

粉巖在城東南十五里縈山之中巖皆鍾乳結成玲瓏

奇巧幾同鬼斧神工羣山環擁烟霧空濛故粉巖曉霧

爲八景之一府志

月子巖在城東八里形如斜月外狹中寬陳志

平樂縣有目山隋書地理志目巖在縣北三十八里巖有兩

乳相對如人目白黑分明因號爲目巖元和志縣之津平

里在虎步江口有廢恭城縣址其上有目巖高數十丈

下有巨石近頂左右有小巖宛如人目黑白分明荆州風土記

紅巖在東鄉里府志

瑞山巖在城東八十里東鄉里大寨村高十餘仞有四
巖曰高曰下曰癸水曰大口前代有兵革之事村民咸
避居於此陳志

朝天巖在那塘村又名半邊岩巖內漿流成田有石八
仙石龍眼石龍珠奇形異樣雅景宜人有水處石拱成
橋莫窮其境天旱居民求雨輒應

峯山巖在峯山下巖中有水流出灌溉田畝夏秋之時
水勢暴漲飛泉兩道殊為奇景

尹公巖在東鄉里離城五十七里唐時尹純儒避亂居
此後人因以為名至今千餘載遺跡宛在巖空峻險路

平樂縣志 卷一 山川

毛

轉峯廻外有板橋內有溫泉其中豁然開朗咸豐七年

楊逆陷城人避居此獲保全焉

水巖在津平里府志

龍巖在城南四里光緒六年六月連出紅水三日

白竹巖在樂山里

飛鼠巖在城南十里巖內多飛鼠棲宿故名

九龍巖在城南十五里巖內結成石龍石仙石床

當頭巖在樂山里府志

馬巖在樂山里府志

月巖在石面半山中虛圓如月故名府志

出米巖在樂山里石峯千仞豁然洞開巖形如半月天

宇清曠地勢平爽不似他巖之幽暗險濕其地荒廢已
久甲寅之亂有僧曰修然者避世於此隨巖中地勢締

造精舍不十年頓成名勝巖外磴道盤旋竹樹茂密入
洞左轉石級盡處為山門地平如掌環以墻中有堂額

曰石空堂後為妙明殿左轉石巖千仞下臨不測憑空
結構曰懸空其外周以欄楯可坐數十人樓內諸僧寮

舍依崖就石如蜂房水渦堂之下右為香積厨厨旁為
碓磨房皆天造地設不假人力向時洞左有二巨石色

如碧玉縱橫眠側游人每攜鐵錘之石隨錘而下光潤

平樂縣志 卷一 山川

天

堅賦隨形之厚薄大小摩為鎮紙饒有韻致僧欲堂殿
寬平已鑿而去之矣

步雲巖在樂山里一名穿巖舊志穿山巖在城東七十里

樂山里與平西富多山相連府志二峯並立半壁開一圓

竅可通往來名勝志竅圓廣數十丈邑人袁啟翼卜居其

下更名步月巖識云平西富多不出官出門三步見穿

山

巖舊志巖在負羣山舊志相傳有一婦伴狂結字於

此後莫知所終或疑為冲舉云舊志

羊巖在樂山里府志

羅仙巖在樂山里布井村方輿紀要云在府城東北八十里巖內水深

潤不可揭乘筏渡之由一黑逕乘燭行百步有竅通巖

緣梯而上坦平可居里民多於此避寇焉志

白瘦巖又名旋花巖在津平里布塘村寨脚前明有平

樂知府某求雨立應額題甘雨靈巖四字

祖雲洞今改天妃廟在沙子街山麓距城北四十里

讀書巖在水巖側聞昔有人避亂於此現有石灰牆蹟

婆巖在桃竹橋村前巖中供奉五穀神距城北二十七

里

龜頭巖在虎豹村其山形如龜頭昂然挺出土人傳說

平樂縣志

卷一

山川

巖

巖下有石背現龜紋用水養之用醋磨之自能行走

石門巖在水澹石門山兩旁山石橫生豎立如門山半

有巖人不能履昔有白馬仙姑得道巖內居民遇旱求

雨必應

大寨巖在新村前內有魯班掌可容百數人

大巖在樂山里山脚源村左內有昭靈宮

牛奶巖在城南一百里大貝冲鄉人相傳有犀牛從此

巖內出入雨久有足跡見焉

獅子巖在樂山里為元壇名勝區也夏則清風徐來冬

則暖氣薰蒸入巖口百餘步有石龍一一黑一黃黑居

巖右鱗脊宛然再入則黃龍見焉頭角崢然壁上有龍

珠數顆大如斗旁有石似十指椽者以火燭之光華奪

目下結祥雲滿地旁結玲瓏寶塔高約一仞層次分明

寶塔側有盤盤盛小石形如荔枝指不勝屈更入數武

有龍門並有天橋長十餘步澗丈餘深莫測有人入釣

由潭邊過可通數里鄉人於此立寨

劉公巖在城西北三十里交陽朔界

龍泉巖在城北二十八里石上有龍泉要隘四字

茶嶺在長塘村

牛巖與上目巖相近在東鄉里咸豐七年鄉人在此避

平樂縣志

卷一

山川

三

賊

陽里穴縣東三十一里有那溪穴皆出鍾乳元和志

石梯峴在津平里東鄉界石級百步而上雙峯插天如

筆四望嶙峴志

桐木峴有堡志

梅子峴在東鄉為恭城界

旋花峴在布塘村邊鄉人傳云高有千八百餘級下至

乾嶺冲止約三里許距城北五十五里

蓬頭峴在大井塘二里許距城北七十五里

金釵峴在曾家廠後路通恭城距城北五十里

佛子峴在城西北十里桂林陸路之要扼

魯般石在東鄉里榕津渡相傳魯般所鑿欲於此建橋

未就志府

息石在旱冲旁突立而起高可數仞其上古藤紛糾垂

條著地其下欹側空洞清涼爽垲可坐數十人行人咸

憇於此袁景星以其能覆蔭休息因名之為息石云志府

蝦蟆石在城東四十五里雷公山下道旁巨石伏地形

類蝦蟆水從口出其餘山畔小石不下數百靡弗形像

畢肖諺云此蟆母吐水蟆子食也今其鄉尚呼為蟆甥

石云志府

平樂縣志

卷一

山川

三

出米石在城南七里鄉人相傳昔曾出米今壤旁有平

樂府黃文炳勒記云某年癸巳冬奉本道轉奉兩院文

鑿山開道南通蒼梧四百里

馬鞍石在尼姑山下其形如馬鞍

桃李洞在城東南九十里唐太尉陶英與李太尉卜居

昭州後世子孫遂世居於此志善有二仙廟相傳唐太尉

陶英謫居與李氏聯姻後此二姓居洞數百家為婚姻

云方輿唐天祐二年太尉陶英忤朱全忠因授征南將

軍出鎮昭州實疏之也全忠篡位懼禍隱於誕山家焉

時有李太尉者簪纓相似子孫累代締姻其山下有洞

因目為陶李洞名勝志明太守羅黃裳構亭今廢省志

莫家洞在東鄉里

關門洞在東鄉里

牛廟洞在東鄉里

石人洞在樂山里

楓魚洞在樂山里

羊尾洞在樂山里

漣洞在樂山里

下裏洞在津平里

欄洞在水漣營

平樂縣志

卷一

山川

三

昭潭洞今未詳所在

糯洞在水漣營有堡

宥洞在水漣營有堡

石洞有二一在水漣營有堡一在下廂里

栗洞在水漣營有堡

義洞在車皮猗境內有堡

嶺背洞蕉洞在上廂里

長洞在水漣營

南源洞在津平里

牛洞在東鄉里

藍洞在車皮狹境

黃洞在藍洞西二里與昭平陶溪村交界

小洞六工洞在下廂里

灘水在城南源出興安海陽山東南流經靈川臨桂陽

朔興平之水入焉又義甯靈鷲之山義江分流入於永

福東流入灘至平樂合荔二水下蒼梧至廣州府入海

戈船將軍下灘水即此志府

府江即灘水曰府江者別於左右二江也迤濱五百餘

里兩岸皆山多懸岸峭壁為灘三百六十合邑境諸水

暨洛江水歸化水思勤水思庇水馬江諸水流入蒼梧

平樂縣志

卷一

山川

三

境昔人諺曰盍有一斗米莫溯藤峽水囊有一百錢莫

上府江船其視為畏途如此今則悉化為坦途志府

樂水源出富川上鄉合桃川水流經恭城入邑境之樂

山里合誕山江沙江洛川諸水至城下入於灘入景之

二曰樂水拖藍志舊平樂溪水出臨賀郡之謝沐縣南歷

山西北流逕謝沐縣西南又西南流至平樂縣東南左

會謝沐眾溪派流湊合西逕平樂縣南又西南流注於

灘水謂之平樂水注水經平樂溪在平樂縣南三里又永

平縣南合永平水西流入平樂縣界元和志

魯溪江在府東源出魯溪山之分水塘流逕平樂縣東

鄉曰魯溪出龍平巡司曰澇源江出恭城曰上平江出

富川曰白藁江又分流入賀縣永明等縣境灌溉之利

甚溥方輿紀要

沙江源出東鄉里四十里而西流入於魯溪至榕津與

誕山江合流至津平里匯樂水同注於灘志府

誕山江在樂山里源出誕山流至陶村合下龍燕水流

至榕津與沙江合流入樂水同注於灘志府

澇源江出魯溪山流至龍平入灘志府

荔水源出修仁過荔浦流至邑境入城西七里合湖塘

注於灘入景之七日荔江漁唱志府

平樂縣志

卷一

山川

三

湖塘江流至城西荔浦江口合修荔諸水入於灘志府

洛川源出恭城南平江至矮山過鳳凰巖經蛇灘合樂

水流入灘民引水灌田甚廣志府

大桐江小桐江源俱出猺境流入於灘民均引水灌田

志府

思勳江源出富川丹霞洞民築陂堰灌田甚廣志舊

大浪溪自兩山中出曲折而注於灘涉處頗廣雨餘暴

漲波濤洶湧行者旁皇大浪之名所自來矣志府

北澗水在城西北水中有石名磨刀石水從石上流高

於道者尺許景極幽奇澗旁石壁多杜鵑春時花放儼

docsriver 文川网
入驻商家 古籍书城

在文川网搜索古籍书城 获取更多电子书

若錦屏海為一邑名勝府志

考槃澗在城東一里源出龍嶽峯澗口一名迴龍津入於灘入景之五曰槃澗清風府志

昭潭縣東一里又名昭岡潭下為十六灘最險峻昭潭

驛沿其名金志平樂水之西岸有昭潭周迴一里其深不

測元和志昭潭亦名迴龍潭灘樂二水匯而為潭今城西

有灘曰虎埠灘自昭潭而下有葦菜三門等灘在東五

六里皆川流險峻處也方輿紀要

迴龍潭在城東考槃澗下明萬曆中副使翁汝進於東

岸山勒石云細魚乃民食所關不能斷絕迴龍潭改名

平樂縣志

卷一 山川

三

放生潭府志

虎埠潭在津平里樂川之中府志

牛皮潭在東鄉里

雙漣潭在北澗中

龍池在舊府學西上有仙妃廟相傳有龍蟄其中入景

之三曰龍池春暖又名養化池

虎埠灘在虎埠潭下

滑石灘在城北十里與陽朔交界

鰕魚灘在城西北滑石灘下以上三灘至冬月水涸時

賊得裹裳而渡舊有哨堡

橫石磯在滑石灘下其水頗深

定花灘在城西北滑石灘下

漫灘在城西北五里荔浦界府志

更鼓灘在城西五里荔浦江口

鵝頸灘在印山之上一作下

葦菜灘在城東五里昭潭之下府志

狗毛灘府志

三門灘在葦菜灘下有二石對峙水中流為二門中多

暗石頗碍行舟府志

石鼓洲灘在三門灘下有險石府志

平樂縣志

卷一 山川

三

石母灘在石鼓洲灘下有石龍壩水勢湍激府志

永灘在石母灘下府志

橫灘在永灘下有石磯左係淺水砂洲水勢湍激且

多暗石頗碍行舟或自左邊挑浚深直可免右灘之險

府志浪灘在城東南橫灘下以上在底塘界

長灘在城東南二十里浪灘下舟行取道中流西岸沙

洲多有浮石約三丈餘府志

茶田灘府志

廖家灘在長灘下五里水道淺窄而東岸有砂洲碍道

金峽有二一在城東南鷺鷥磯上一在水涯營志

鷺鷥磯在城東南二十五里廖家灘下志

響水灘在鷺鷥磯灘下有砂嘴江中有石洲洲之上水

大則衝為旋渦舟行殊險志

火把灘志

叢林灘志

上危灘在廖家灘下志

下危灘在上危灘下志

崩山灘皆沙洲在龍磯上志

分砂灘在崩山灘下志以上在長灘填界

平樂縣志 卷一 山川

龍頭磯在府南三十里志

蓑衣灘志

鎌刀灣灘在龍頭磯下志以上在龍頭磯填界

龍門磯在城東南三十里有大石橫截江中而障以沙

洲其水深多暗石盤亘頗碍行舟

鼓鑼峽在城東南三十二里龍頭磯下有石如鼓鑼水

漲則洄洑旋轉舟不敢行志

楓木磯在府城東南龍頭磯下山嘴與碎石插入江中

水勢至此一曲當江流暴漲時直冲西岸轉而冲廻東

岸致成旋渦石多附山工力難施

小結灘在大結灘和尚磯之上江中多浪石志

顛倒磯在大灣塘下二里東岸有巨石二橫亘江中志

和尚磯在城東南小結灘下志

大結灘在大結塘下塘前有巨石二碍路江中多暗石

水勢湍激東岸為和尚磯舟行頗險志

浙瀝灘在大結灘下

薩喇灘在浙瀝灘下東岸山下有石橫江濱志

小龍灘在大結灘下五里東岸有山嘴西岸多浮石舟

行宜避

大龍灘在大貝灘上七里西岸有亂石東岸有磯嘴水

平樂縣志 卷一 山川

頗湍激灘下亂石益多殊碍行舟志以上在廣運塘界

大貝灘在廣運塘下二里江中多石而岸傍之石益險

志

小貝灘在廣運塘下五里兩岸多碎石水道紆迴而湍

激中有欄杆石

石龍灘在小貝灘下

標灘在石龍灘下有險石

白蓼灘在標灘之下灘皆沙洲

金鷄灘在巴江塘之上白蓼灘之下有小石距江中

志以上在廣運塘界